

重修彭縣志卷第八

褒旌門

下

列女志

節烈

明

劉黃氏

趙官氏

國朝

胡王氏

胡宏祥妻隣人伺其夫出欲污之不從自戕乾隆三十九年奉文旌表建坊

邑人劉時雨妻攜七歲子避獻賊之亂於雷打廟賊至脅以兵不從賊並殺之見蜀碧威遠人適邑人趙司鉉賊至見通志

劉胡氏

劉定芳妻年二十雇工周應龍乘閒入室欲污之氏罵走周持刀追殺氏斃一日夜乃甦事聞置周

於法邑令張齡度表其閭曰節耀清霜

李廖氏

濠陽人李甲妻家貧夫業屠室遭火寓於鄰鄰子豔其色屢挑之氏佯不知適夫他出鄰子持刀入

室欲強之氏給使局門潛隨後奪刀殺之事聞官旌其閭

高何氏

高洪春妻二十五歲夫故遺子一氏日夜啜泣思以身殉懼重傷姑心逾年姑歿託子於嫂遂自縊

韓呂氏

邑庠生韓邦萬繼室新繁人彭縣庠生呂清和次女幼稟家訓明禮知書年二十歲而寡痛夫無嗣

待夫弟邦彥有子撫之承祧已可就讀於同治三年五月十一日夜闔戶自縊時當炎夏三日而斂面色如金

年三十
三歲

曾劉氏

曾昭一妻二十四歲夫故無子氏痛不欲生姑婉慰之爲撫夫弟昭論子仲抱承嗣矢志守節甚得

姑歡子尋殤氏悲
不食竟以死殉

歐陽王氏

歐陽榮增妻夫故遺子華炳華煥家貧依母家度日鄰嫗勸再適氏忿率子哭於母節孝楊氏

墓引刀自斷左臂以誓志

創甚尋卒年三十四歲

鄭楊氏

鄭畧秀妻因鄰人岳老么詭戲羞忿自縊縣令爲詳請旌表給銀建坊以昭節烈

封周氏

仁風里民封正榮妻生子懷德女秀英咸豐十年九月二十一日藍逆至謂夫曰事急矣速攜子行

吾母女決不貽封氏羞賊去夫歸氏及女俱死塘內面如生氏年三十九歲女年十四歲

沈楊氏

廩生沈清源妻年五十一歲賊至率婦沈樹軒之妻馮氏孫女玉蓮同投井死馮年二十八歲玉蓮

年十

一歲

歐陽鄭氏

永定里民歐陽裕鵬之妻年二十八歲同叔祖母黃避賊瓦廠溝賊入山擄掠知不免牽幼子

俱投山塘中水淺甚
一手按子俱偃而死

歐陽黃氏

歐陽榮斗之妻年五十二歲同時
見鄭氏母子俱斃亦自投偃水死

劉周氏

禾川里民劉德生之妻年二十四歲賊入境德生
同團禦賊陣亡氏聞忿不欲生越日負幼子避賊

望賊至解子
於地投水死

曾羅氏

禾川里民曾文壽之妻年二十四歲從夫避賊於
城西十五里之羅漢寺側突遇賊至不及逃見夫

被殺攜幼子
投水以殉

王劉氏

禾川里民王登灃之妻年三十二歲
賊至氏懼逼抱幼子甫二歲投井死

羅李氏

禾川里民羅天惠之妻年三十六歲賊
至攜一子一女俱投山前黃家大塘死

孔羅氏

巽恭里民孔永興之妻年
四十六歲賊近預投河死

葉穆氏

鳳樓里民葉維錫之妻年三十五歲賊入境氏負幼女隨夫逃至母家猝遇賊掠夫去忿負女投穆

家泉死

穆李氏

鳳樓里民穆昭玉之妻年二十歲賊近投院側穆家泉死

錢羅氏

文生錢懋勳之妻年二十九歲聞賊至懼辱自縊

梁王氏

仙居里民梁國柱之妻年四十歲賊入境率夫弟國卿之婦廖氏國友之婦曾氏各攜子入山逃避

行至關口之毛郎鎮猝遇賊俱投江死

馮劉氏

永定里民馮肇龍之妻年五十八歲賊至懼見辱預投泉死

羅戴氏

鳳樓里民羅應普之妻年五十五歲賊入境與子正蛟婦朱氏携幼孫等逃避賊至正蛟被殺氏同

婦並孫宣娃福生孫女滿娣代娣俱投羅家泉死

强盧氏

永定里民强萬榮之妻年三十二歲賊近畏逼投水死

錢戴氏

嵐屏里民錢洪萬之妻年三十歲賊至懼辱投水死

尹王氏

嵐屏里民尹善元之妻年二十八歲聞賊至懼辱自縊

唐吳氏

禾川里民唐洪陞之妻年二十七歲賊至懼辱投水死

吳劉氏

華園里民吳增慶之妻年四十歲賊至懼辱投水死

易陳氏

華園里民易紹鳳之妻年三十二歲賊至懼辱自縊

劉吳氏

華園里民劉建玉之妻年三十歲賊至懼辱自縊

林吳氏

華園里民林春映之妻年四十一歲賊入境預投豬田死其女十六歲亦投宅內池死

周李氏

永定里民周榮鑑之妻年四十八歲賊入境同女已英俱自縊

楊羅氏

永定里民楊發萬之妻年三十歲賊入境懼辱自縊

秦蔡氏

永定里民秦順周之妻年三十六歲賊至懼辱自縊

劉楊氏

華園里民劉榮岐之母年四十歲賊入境先自縊

歐陽陳氏

華園里民歐陽華元妻年十四歲賊入境懼辱自縊

李錢氏

華園里民李順源之妻年五十二歲賊入境率二婦富文之妻劉氏富武之妻邊氏俱投水死劉年

二十三歲邊氏年二十一歲

楊張氏

永定里民楊發新之妻年二十三歲賊至懼辱自縊

周楊氏

永定里民周維安之妻年三十五歲賊入境懼辱自縊

唐曹氏

禾川里民唐正興之妻年二十七歲賊近畏逼投水死

胡羅氏

華園里民胡志仁之妻年三十二歲賊至懼辱攜二女長九歲次七歲同溺死

張陳氏樂氏

陳氏張金富妻樂氏金貴妻賊入境俱負幼子弱女同金貴逃行抵朱家車塘賊猝至金

貴被執樂氏陳氏懼辱各攜子女

投泉死金貴給賊緩縛俱溺焉

王劉氏

鳳樓里民王文興之妻年三十四歲賊至被掠行五里過觀音泉乘閒躍入泉中賊怒用矛刺死

羅鍾氏

華園里民羅錫貴之妻年二十八歲賊至懼辱負幼子投附近麻柳泉死

唐劉氏

嵐屏里民唐正宏之妻年四十三歲賊近預投水死

劉尹氏

鳳樓里民劉華武之妻年三十四歲賊至不受掠被殺

羅劉氏

濛陽里民羅啟祥之妻年三十歲賊至被擄不受辱罵賊並穉女同時遇害

趙朱氏

仙居里民趙世喜之妻年四十歲同子婦萬祥之妻尹氏在室賊突至被殺積草駢兩屍焚之

譚劉氏

華園里民譚有典之妻年四十歲賊近抱幼子投水死

蔣尹氏

豔陽里民蔣玉錫之妻年三十五歲賊至不受辱被殺

劉張氏

石河里民劉仲友之妻年三十三歲賊近懼逼投渚田死

林楊氏

林京祥妻年四十九歲賊至敖家場氏孀居畏逼投雙泉塘死

黃陳氏

黃維岡妻年四十四歲賊近畏逼在牛蹠橋投井死

楊王氏

永定里民楊忠遠之妻賊至石洞堰逼氏不從被殺

馮張氏

永定里民馮煥章之妻賊近懼逼投井死

李楊氏

李思發之妻賊至懼辱自盡

謝鄭氏

謝崇儀之妻賊近闔戶自縊

廖李氏

邑民廖振元之妻年三十八歲賊入境氏携二女以避行至漢州中興場枷擔堰遇賊懼辱母女三

人俱赴水死

唐王氏

禾川里民唐吉曜之妻年五十五歲避賊馬槽溝女被擄氏挽之不釋賊竝殺之

周劉氏

豔陽里民周紀全之母年五十歲賊至紀全被殺氏忿投水死以上均咸豐十年九月內事

任楊氏

禾川里民任元貴之妻咸豐十一年二月偕夫避連封團匪之亂中途賊脅其夫去竝逼氏行氏抽

刀自刎

孟强氏

孟天元之妻年三十二歲連封匪亂擄女竝一子一姪避難賊至子姪被擄去氏忿罵賊投井死女

殉焉

周廖氏

巽恭里民周辛娃之妻年三十歲連封匪擾本里氏負幼女投井死

王朱氏

鹿坪里民王尙文之妻年二十八歲連封匪起懼辱自縊以上均咸豐十一年二月內事

歐陽陳氏

歐陽榮開之妻咸豐十一年四月藍逆股匪李長毛擾敖家場夫婦被脅榮開罵賊遇害氏投

母褚泉賊援之起復投娃娃泉死

楊姜氏

鹿坪里民楊永興之妻永興於咸豐十年九月堵賊陣亡踰年四月賊復至氏負幼子投河死

蕭王氏

鹿坪里民蕭學順之妻李逆入山擾害氏投河死

楊歐陽氏

永定里民楊發述之妻年二十六歲賊至懼辱自縊以上均十一年四月內事

黃周氏

濛陽場民黃宗德之妻咸豐十一年十一月滇逆自丹稜竄至場氏被擄罵不絕口賊殺之

莊陳氏

濛陽場民莊鴻儒之妻年二十六歲同鄰婦避賊行至紫霞寺被擄罵賊不受辱賊殺之

陳雷氏

仁風里民陳能清之妻年二十六歲賊至不受污被殺

文富氏

石河里民文美興之妻年四十歲賊至懼辱投泉死

高韓氏

連封里民高三元之妻年十八歲避難母家賊至畏逼投甘土橋河死

王柳氏

恩騎尉王平安之妻年三十歲賊至不辱罵賊遇害

游幸氏

濛陽里民游啟春妻夫早亡偕女中途遇賊女赴水死氏罵賊賊矛刺之亦投水死

萬傅氏

濛陽里民萬永禮之母年六十九歲賊駐營其家令縫旗幟不允且罵賊賊怒殺之以上均十一

年十一月內事

曾晏氏

鳳樓里民曾正國妻年三十一歲同治二年三月髮逆掠其家逼氏氏奔至宅後溝邊賊怒追殺之

楊文氏

鳳樓里民楊毓楷之妻年二十六歲髮逆逼近氏懼辱投水死

王曾氏

華園里民王大之妻年二十三歲髮逆至氏不受辱被殺

楊嚴氏

華園里民楊發芝之妻年二十八歲髮逆竄境被脅不從遇害

易譚氏

華園里民易堯成之妻年十七歲髮逆過境從姑及兩幼妹避賊蔡家山失姑賊逼近取小刀自刎

二年

以上均同治

三月內事

羅陳氏

羅三之妻賊至投水死里居年月未詳

殉難

附

焦白氏

連封里監生焦應錫之繼母年八十歲咸豐十年九月為賊焚死

歐陽高氏

永定里民歐陽華田之母夫榮春早故其子於咸豐十一年三月被脅逃歸賊追至其家氏被

殺

李鄭氏

鹿坪里民李世順之妻賊至不及逃被害

楊劉氏

鹿坪里民楊才綱之母年七十歲賊再至子勸之逃不允罵賊被害

張馬氏

張九峯妻年六十歲咸豐十一年十一月賊竄至濛陽被殺

楊趙氏

永定里民楊志遠之妻年六十歲同治二年髮逆至在路被殺

唐蕭氏

華園里民唐邦宏之妻年六十歲髮逆至被殺

貞烈

龍女

龍亨耀女嘉慶十三年因鄰人某戲謔羞忿自縊邑令劉炯詳請旌表建坊舊志

劉女

名妹子劉華仁之女年十六歲同治八年二月母張以清明掃墓出同宅某乘室無人逼之不從羞

忿自縊後二年某暴病狂呼女來大叫而死人謂其貞烈之氣雖死猶生

楊女

禾川里民楊正洪女十七歲未字咸豐十年九月滇逆至隨家人避難賊近懼逼投井死

龔女

永定里文生龔霽女年二十五歲幼失明
藍逆至時母年七十女恐累母先自縊

李女

禾川里民李廷清女年十
六未字賊至懼辱投水死

王女

名乙英永定里民王國忠女年十四歲賊近祖
德山命諸孫女各為自完計女從容取繩自縊

唐女

名秋蓮唐吉曜女年十七歲隨母王氏避
賊馬槽溝賊至擄女女不行與母俱遇害

余女

名春蓮文生余金華女年十六歲
賊至羅家場女畏逼投林陰泉死

周女

名己英周榮鑑之女年十六
歲賊至從母李氏俱自縊

廖女

名辛英廖振元之女年十七歲同母李氏
及八歲幼妹遇賊漢州中興場俱投水死

孟女

名長英孟天元之女年十四歲從母強氏避連
封團之亂母罵賊投井女亦躍身入井同死

萬女

濠陽里民萬世模之妹年十八歲咸豐十一年十
一月賊自丹稜猝至女為所掠行過堰塘躍入水